


# Rheolau am Geisiadau i Ddynodi Cymwysterau

HYDREF 2019



## **Rheoli fersiynau**

Cyhoeddwyd y fersiwn hon (2) o 'Cymwysterau Cymru' Rheolau ynghylch Ceisiadau i Ddynodi Cymwysterau ym mis Hydref 2019.

Croesewir adborth gan y cyhoedd ar y ddogfen reoleiddio hon yn y cyfamser. Dylech anfon eich sylwadau i [policy@qualificationswales.org](mailto:policy@qualificationswales.org)

## **Egwyddorion Cyffredinol y Rheolau am Geisiadau i Ddynodi Cymwysterau**

Mae'r ddogfen hon wedi'i hanelu at gyrff dyfarnu cydnabyddedig sy'n awyddus i wneud cais i Cymwysterau Cymru ddynodi ei gymhwyster. O dan adran 33 o Ddeddf Cymwysterau Cymru 2015 mae'n rhaid i ni wneud rheolau ynghylch ceisiadau a wneir i ni ynghylch dynodi cymwysterau.

Nod y rheolau hyn yw rhoi eglurder i gyrff dyfarnu cydnabyddedig ar y canlynol:

- i) y wybodaeth y mae ei hangen ar Cymwysterau Cymru er mwyn gallu ystyried p'un a ellir dynodi cymhwyster.
- ii) y broses ar gyfer gwneud cais i ddynodi ei gymhwyster.

Cyn gwneud cais, dylai gyrff dyfarnu ddarllen y ddogfen hon ar y cyd ag unrhyw ddogfennau cyhoeddedig o blith yr isod:

- i) Polisi Dynodi
- ii) Rhestr o Gymwysterau Blaenoriaethol<sup>1</sup>
- iii) Canllaw Dynodi Corff Dyfarnu QiW

Dim ond pan fydd corff dyfarnu yn fodlon nad yw'r cymhwyster ar y Rhestr o Gymwysterau Blaenoriaethol ac nad yw Cymwysterau Cymru wedi cyhoeddi unrhyw feini prawf cymeradwyo ar gyfer y cymhwyster ac nad yw wedi nodi y bydd yn ystyried ceisiadau i gymeradwyo'r cymhwyster hwn y dylai corff dyfarnu gyflwyno cymhwyster i'w ddynodi.

## **CYNNWYS**

TYSTIOLAETH YN YMWNEUD Â'R MATERION A YSTYRIWN WRTH BENDERFYNU  
P'UN A DDYLID DYNODI CYMHWYSTER

Y BROSES AR GYFER GOFYN AM DDYNODIAD

DIWYGIADAU I GYMWYSTERAU DYNODI

ATODIAD A – CANLLAWIAU YCHWANEGOL AR GYFER TYSTIOLAETH ATEGOL

ATODIAD B – DATGANIAD GWRTHDARO BUDDIANNAU

## **TYSTIOLAETH YN YMWNEUD Â'R MATERION A YSTYRIWN WRTH BENDERFYNU P'UN A DDYLID DYNODI CYMHWYSTER**

**Mae'r polisi dynodi yn amlinellu pa faterion y byddwn yn eu hystyried wrth benderfynu p'un a ddylid dynodi cymhwyster.**

**I fodloni ein hunain bod rhain wedi'u bodloni, dim ond pan fydd y canlynol yn gymwys y byddwn yn dynodi cymwysterau:**

### **1. Mae galw am y cymhwyster gan ymgeiswyr yng Nghymru yn yr ystod(au) oedran perthnasol [mae'r gofyniad hwn yn ymwneud ag Amodau Cydnabod Safonol E1.3 ac E1.4]**

Yng nghyd-destun dynodi, rhaid i'r dystiolaeth o'r galw:

- i. i. bod o ganolfan a'i chyflwyno naill ai trwy e-bost neu lythyr, a'i ddyddio o fewn y flwyddyn academaidd ddiwethaf;
- ii. ii. cynnwys teitl llawn y cymhwyster;
- iii. iii. dangos galw o'r ystod oedran isaf yr ydych yn gofyn am ddynodiad ar ei gyfer. Gellir cyflwyno llythyrau o sawl canolfan.
- iv. iv. nodwch nifer bosibl yr ymgeiswyr - yn seiliedig naill ai ar ffigurau'r flwyddyn flaenorol neu ffigurau cynllunio canolfannau
- v. v. lle nad oes canolfan oherwydd natur cyflwyno cymwysterau, darparwch dystiolaeth o gofrestrriad neu weithgaredd ddiweddar dysgwyr yng Nghymru; a
- vi. rhowch esboniad cryno pam mae ganddynt ddiddordeb mewn cynnig y cymhwyster hwn

Os bydd y cymhwyster sy'n cael ei gyflwyno yn disodli fersiwn gynharach o gymhwyster, (h.y. cymhwyster ar yr un lefel, yn yr un pwnc, sy'n targedu'r un fath o ddysgwyr at yr un diben) dylai'r corff dyfarnu nodi hyn wrth ei gyflwyno, yn ogystal â rhif yr hen gymhwyster. Caiff tystiolaeth o gofrestrriadau ar gyfer y cymhwyster sy'n cael ei ddisodli ei derbyn fel tystiolaeth o alw yn lle'r opsiynau tystiolaeth a restrir uchod.

**Sylwer:**

Nid oes angen i gyrff dyfarnu gyflwyno tystiolaeth yn erbyn y maen prawf hwn (ynghylch y galw) am:

- cymwysterau sydd wedi cael eu derbyn ar fframweithiau prentisiaeth yng Nghymru; neu
- cymwysterau TGAU, Uwch Gyfrannol a Safon Uwch

**2. Mae cefnogaeth gan ddefnyddwyr terfynol perthnasol neu randdeiliaid am yr cymwyster [mae'r gofyniad hwn yn ymwneud ag Amodau Cydnabod Safonol E1.3, E1.4 ac E1.5]**

Yng nghyd-destun dynodi, rhaid i'r dystiolaeth o gefnogaeth wneud y canlynol:

- i. Bod yn gynrychioliadol ac ymwneud â'r diben bwriadedig a llwybr dilyniant y cymhwyster (gweler atodiad a)
- ii. Cynnwys teitl llawn y cymhwyster
- iii. Cynnwys yr ystod(au) oedran cymwys
- iv. Cynnwys esboniad byr o pam fod cefnogaeth i'r cymhwyster hwn
- v. Gall y gefnogaeth hon fod ar ffurf:

Naill ai lythyr wedi'i lofnodi gan aelod uwch o staff o gorff perthnasol ar bapur â phennawd neu e-bost o gwmni neu sefydliad, ac yn ddyddiedig o fewn y flwyddyn galendr ddiwethaf

NEU ddogfen gredadwy megis achos busnes mewnol sy'n cynnwys manylion ymgynghoriad â defnyddwyr terfynol perthnasol, neu gofnodion cyfarfod ymgynghori â defnyddwyr terfynol perthnasol

NEU ddisgrifiad o waith datblygu cymhwyster a gynhelir gan roi manylion gwaith ymgysylltu â rhanddeiliaid perthnasol

**Sylwer:**

Nid oes angen i gyrff dyfarnu gyflwyno tystiolaeth yn erbyn y meini prawf hyn mewn perthynas â'r canlynol:

- TGAU, Uwch Gyfrannol a Safon Uwch
- Cymwysterau Lefel Mynediad

- Os bydd corff dyfarnu yn gorff proffesiynol/diwydiant neu sector hefyd, ac mae'n dymuno cyflwyno cymorth o gangen y corff proffesiynol/diwydiant neu sector, rhaid iddo gwblhau a chyflwyno'r datganiad gwrthdaro buddiannau yn atodiad b.
- Os byddwch yn ceisio dynodi cymhwyster sy'n rhan o gyfres, ac rydych eisoes wedi cyflwyno tystiolaeth o gefnogaeth mewn perthynas â chymhwyster perthnasol arall o fewn y gyfres, ni fydd angen i chi gyflwyno'r gefnogaeth eto, ond nodwch rif y cymhwyster perthnasol yn eich cyflwyniad

**3. Mae cyfeiriadau at ddeddfwriaeth, polisiau a sefydliadau o fewn y cymhwyster yn gymwys yng Nghymru [mae'r gofyniad hwn yn ymwneud ag Amod Cydnabod Safonol D1.1]**

Efallai y caiff gofynion penodol sector neu swydd ychwanegol sy'n ymwneud â meysydd lle mae gan Lywodraeth Cymru bwerau datganoledig eu nodi dros amser. Pan fydd hyn yn digwydd, byddwn yn rhoi rhybudd ymlaen llaw i gyrff dyfarnu o gyflwyniad y gofynion penodol hyn a byddwn yn cyflwyno fersiwn ddiwygiedig o'r canllaw hwn.

**4. Mae'r cymhwyster yn briodol ar gyfer yr ystodau oedran a ddewiswyd. Yn arbennig, os bydd y cymhwyster i'w ddynodi ar gyfer dysgwyr cyn 16 oed, ni ddylai'r cymhwyster dystio cymhwysedd galwedigaethol fel arfer [mae'r gofyniad hwn yn ymwneud ag Amod Cydnabod Safonol D1.1].**

Mae angen i'r corff dyfarnu wneud y canlynol:

- i. cadarnhau nad oes unrhyw broblemau iechyd a diogelwch oherwydd oedran y darpar fyfyrwyr
- ii. sicrhau nad yw cymwysterau ar gyfer myfyrwyr cyn 16 oed yn tystio cymhwysedd (ac ni chânt eu dosbarthu fel 'CVET')

**5. Gofynion ychwanegol ar gyfer TGAU, Uwch Gyfrannol a Safon Uwch**

Dim ond os bydd y canlynol yn gymwys y byddwn yn ystyried dynodi cymwysterau TGAU, Uwch Gyfrannol a Safon Uwch:

- i. mae'r corff dyfarnu yn cael ei gydnabod gan Gymwysterau Cymru i ddyfarnu cymwysterau TGAU, UG neu Lefel A;

- ii. caiff y cymhwyster ei gynnig mewn pwnc lle nad oes unrhyw gymhwyster TGAU wedi'i gymeradwyo gan Cymwysterau Cymru, neu bwnc lle nad oes unrhyw gymhwyster TAG wedi'i gymeradwyo gan Cymwysterau Cymru
- iii. os caiff y cymhwyster ei gynnig mewn pwnc lle nad yw Ofqual wedi cyhoeddi gofynion rheoleiddio sy'n benodol i'r pwnc, rhaid i'r cymhwyster:
  - a. fod wedi cael ei achredu gan Ofqual
  - b. cael ei gynnig yng Nghymru fel cymhwyster dynodedig yn yr un ffurf ag y caiff ei reoleiddio gan Ofqual
- iv. os caiff y cymhwyster ei gynnig mewn pwnc lle nad yw Ofqual wedi cyhoeddi gofynion rheoleiddio sy'n benodol i'r pwnc, rhaid i'r cymhwyster:
  - a. gael ei gynnig mewn pwnc sydd wedi'i ddynodi eisoes gan Cymwysterau Cymru yn gymhwyster TGAU neu TAG
  - b. cydymffurfio ag unrhyw ofynion rheoleiddio sydd wedi'u cynnwys ar Restr o Ddogfennau Rheoleiddio Cymwysterau Cymru ar gyfer cymwysterau TGAU, UG a Safon Uwch i'w haddysgu gyntaf cyn y flwyddyn academaidd 2015/2016
- v. rhaid i'r corff dyfarnu sy'n cynnig y cymhwyster sicrhau bod ganddo ddatganiad polisi cyhoeddiedig sy'n egluro i ddefnyddwyr p'un a yw'r cymhwyster ar gael drwy gyfrwng y Gymraeg neu'r Saesneg, neu'r ddwy iaith.
- vi. rhaid i'r polisi egluro:
  - a. ar ba sail y bydd y corff dyfarnu yn cynnig y cymhwyster drwy gyfrwng y Gymraeg, os bydd yn dewis gwneud hynny
  - b. pa agweddau ar y cymhwyster, gan gynnwys deunyddiau ategol, a ddarperir gan y corff dyfarnu drwy gyfrwng y Gymraeg.

**Cysylltwch â ni os hoffech drafod tystiolaeth bosibl cyn cyflwyno cymhwyster i'w ddynodi.**



## Y BROSES AR GYFER GOFYN AM DDYNODIAD

Caiff pob cais dynodi ei gyflwyno i QiW, a byddwn hefyd yn rhoi ein hadborth ar QiW. Ceir gwybodaeth bellach ar QiW a manylion cyflwyno cymhwyster ar QiW yn [canllaw QiW]

Cyn cyflwyno cymhwyster i'w ddynodi, rhaid i gorff dyfarnu sicrhau bod y cymhwyster yn cydymffurfio â gofynion ei Amodau Cydnabod, gan wneud unrhyw newidiadau i'r cymhwyster sy'n angenrheidiol at y diben hwnnw, yn unol ag Amod Cydnabod Safonol E5.1.

Rhaid i gyrff dyfarnu hefyd sicrhau bod eu cyflwyniad o'r cymhwyster i QiW yn cynnwys yr holl wybodaeth sydd ei hangen, a bod y wybodaeth yn gywir, yn unol ag Amod Cydnabod Safonol E6.2. Er mwyn i gymhwyster gael ei ystyried i'w ddynodi, mae QiW yn ei gwneud yn ofynnol i gyrff Dyfarnu gyflwyno gwybodaeth sy'n ymwneud ag Amodau Cydnabod Safonol E1.2, E2.1, E3.1, E7.1, E9.1 a darparu tystiolaeth sy'n ymwneud ag Amodau Cydnabod Safonol E1.3, E1.4 a D1.1 fel yr amlinellir yn yr adran 'Tystiolaeth yn ymwneud â...'

Yna byddwn yn gwirio bod y wybodaeth a gyflwynir yn deg ac yn gywir, ac efallai byddwn hefyd yn gwirio cydymffurfiaeth yn erbyn Amodau Safonol E1.1, E3.2.

Drwy QiW, byddwn yn rhoi gwybod i chi bod eich cymhwyster wedi'i ddynodi neu'n rhoi gwybod i chi pa un o'n gofynion nad yw wedi'i fodloni a pha dystiolaeth neu gamau gweithredu pellach sydd eu hangen gennych. Yna gallwch ailgyflwyno.

## DIWYGIADAU I GYMWYSTERAU DYNODEDIG

Dylai cyrff dyfarnu adolygu eu cymwysterau cyn y Dyddiad Gorffen Gweithredol. Chwe mis cyn y Dyddiad Gorffen Gweithredol, bydd nodyn atgoffa awtomateg yn cael ei ebostio i'r corff dyfarnu perthnasol yn nodi bod y dyddiad gorffen yn agosáu. Dylai hyn annog cyrff dyfarnu i ystyried a oes angen diwygio'r Dyddiad Gorffen Gweithredol.

Os bydd y Dyddiad Gorffen Gweithredol newydd o fewn pum mlynedd o ddyddiad dechrau'r cymhwyster, bydd dim ond rhaid i chi gwblhau'r proses Ddiwygio ar QiW - ni fydd angen unrhyw dystiolaeth ategol bellach arnom.

Ar gyfer Dyddiadau Gorffen Gweithredol newydd sy'n fwy na phum mlynedd o ddyddiad dechrau'r cymhwyster, bydd angen tystiolaeth o gefnogaeth fel y rhestrir yn yr adran dystiolaeth uchod.

Ar gyfer Dyddiadau Gorffen Gweithredol newydd a'r cymhwyster yn cael ei ddefnyddio mewn fframwaith prentisiaeth, byddwn ni'n ofyn am :

- Gadarnhad bod y cymhwyster yn cwrdd â'r NOS diweddaraf

AC

- Os oes mwy na 5 mlynedd ers i'r cymhwyster gael ei adolygu, tystiolaeth o gefnogaeth, o'r flwyddyn ddiwethaf, gan gyflogwr perthnasol, mawr/corff sgiliau'r sector sy'n gweithredu yng Nghymru

NEU

- Ddogfen gredadwy fel achos busnes mewnol sy'n cynnwys manylion ymgynghoriad â defnyddwyr perthnasol, neu gofnodion cyfarfod ymgynghori â defnyddwyr perthnasol

### **Atodiad a – canllawiau ychwanegol ar gyfer tystiolaeth ategol**

**Os bydd cymhwyster yn cwmpasu mwy nag un o'r categorïau isod, dewiswch y categori mwyaf perthnasol yn seiliedig ar brif ddiben y cymhwyster.**

	<b>Cefnogaeth Ofynnol</b> <b>(Rhaid bod yr holl dystiolaeth wedi'i llofnodi gan uwch reolwr perthnasol, ei dyddio o fewn y flwyddyn diwethaf a rhaid iddi cael ei chyflwyno ar bapur â phennawd)</b>
<b>Cymwysterau sy'n paratoi dysgwyr ar gyfer dysgu pellach yn yr ysgol</b>	<p>Naill ai:</p> <ul style="list-style-type: none"> <li>- Llythyr gan gonsortiw m rhanbarthol neu ysgol yng Nghymru, yn canolbwyntio ar berthnasedd y cymhwyster ar gyfer astudio pellach</li> </ul> <p>NEU</p> <ul style="list-style-type: none"> <li>- Tystiolaeth o adolygiad cymhwyster diweddar gan y corff dyfarnu sy'n dangos cefnogaeth gan ysgolion yng Nghymru</li> </ul> <p>NEU</p> <ul style="list-style-type: none"> <li>- Cynllun busnes y cytunwyd arno neu gofnodion ffurfiol yn dangos tystiolaeth o gefnogaeth gan ysgolion yng Nghymru</li> </ul> <p>Gallai'r dystiolaeth hon gwmpasu cefnogaeth a galw</p>
<b>Cymwysterau sy'n paratoi dysgwyr ar gyfer dysgu pellach mewn Addysg Bellach</b>	<p>Naill ai:</p> <ul style="list-style-type: none"> <li>- Llythyr gan goleg Addysg Bellach yng Nghymru, yn canolbwyntio ar berthnasedd y cymhwyster ar gyfer astudio pellach</li> </ul> <p>NEU</p> <ul style="list-style-type: none"> <li>- Tystiolaeth o adolygiad cymhwyster diweddar gan y corff dyfarnu sy'n dangos cefnogaeth gan golegau Addysg Bellach yng Nghymru</li> </ul> <p>NEU</p> <ul style="list-style-type: none"> <li>- Cynllun busnes y cytunwyd arno neu gofnodion ffurfiol yn dangos tystiolaeth o gefnogaeth gan golegau Addysg Bellach yng Nghymru</li> </ul> <p>Gallai'r dystiolaeth hon gwmpasu cefnogaeth a galw</p>
<b>Cymwysterau sy'n paratoi dysgwyr ar gyfer Addysg Uwch</b>	<p>Naill ai:</p> <ul style="list-style-type: none"> <li>- Llythyr gan Sefydliad Addysg Uwch yn y DU</li> </ul> <p>NEU</p>

	<ul style="list-style-type: none"> <li>- Tystiolaeth o adolygiad cymhwyster diweddar gan y corff dyfarnu sy'n dangos cefnogaeth gan Sefydliadau Addysg Uwch yn y DU</li> </ul> <p>NEU</p> <ul style="list-style-type: none"> <li>- Cynllun busnes y cytunwyd arno neu gofnodion ffurfiol yn dangos tystiolaeth o gefnogaeth gan Sefydliadau Addysg Uwch y DU</li> </ul>
<p><b>Cymwysterau sy'n paratoi dysgwyr ar gyfer dysgu pellach gyda ddarparwr dysgu seiliedig ar waith neu ddarparwr hyfforddi</b></p>	<p>Naill ai:</p> <ul style="list-style-type: none"> <li>- Llythyr gan ddarparwr dysgu seiliedig ar waith neu ddarparwr hyfforddi</li> </ul> <p>NEU</p> <ul style="list-style-type: none"> <li>- Tystiolaeth o adolygiad cymhwyster diweddar gan y corff dyfarnu sy'n dangos cefnogaeth gan ddarparwr dysgu seiliedig ar waith neu ddarparwr hyfforddi</li> </ul> <p>NEU</p> <ul style="list-style-type: none"> <li>- Cynllun busnes y cytunwyd arno neu gofnodion ffurfiol yn dangos tystiolaeth o gefnogaeth gan ddarparwr dysgu seiliedig ar waith neu ddarparwr hyfforddi</li> </ul>
<p><b>Cymwysterau sy'n:</b>  <b>- rhoi twf personol i ddysgwyr a'u hannog i ymgysylltu â'u dysgu</b></p>	<p>Naill ai:</p> <ul style="list-style-type: none"> <li>- Llythyr gan ganolfan neu sefydliad perthnasol yng Nghymru, yn canolbwyntio ar berthnasedd y cymhwyster ar gyfer twf personol ac ymgysylltu â dysgu</li> </ul> <p>NEU</p> <ul style="list-style-type: none"> <li>- Tystiolaeth o adolygiad cymhwyster diweddar gan y corff dyfarnu sy'n dangos cefnogaeth gan ganolfan neu sefydliad perthnasol yng Nghymru</li> </ul> <p>NEU</p> <ul style="list-style-type: none"> <li>- Cynllun busnes y cytunwyd arno neu gofnodion ffurfiol yn dangos tystiolaeth o gefnogaeth gan ganolfan neu sefydliad perthnasol yng Nghymru</li> </ul>

<p><b>Cymwysterau sy'n:</b></p> <ul style="list-style-type: none"> <li>- <b>Paratoi dysgwyr ar gyfer cyflogaeth</b></li> <li>- <b>Cefnogi rôl yn y gweithle</b></li> <li>- <b>Dangos cymhwysedd</b></li> </ul>	<p>Naill ai:</p> <ul style="list-style-type: none"> <li>- Llythyr gan gorff proffesiynol/sector perthnasol sydd â chylch gwaith sy'n cwmpasu Cymru</li> </ul> <p>NEU</p> <ul style="list-style-type: none"> <li>- Llythyr gan Brif Swyddfa cyflogwr mawr/sylweddol perthnasol sy'n weithredol yng Nghymru</li> </ul> <p>NEU</p> <ul style="list-style-type: none"> <li>- Llythyrau gan o leiaf 3 cyflogwr llai perthnasol sy'n weithredol yng Nghymru</li> </ul> <p>NEU</p> <ul style="list-style-type: none"> <li>- Tystiolaeth o adolygiad cymhwyster diweddar sy'n dangos cefnogaeth gan unrhyw un o'r rhanddeiliaid a restrir uchod</li> </ul> <p>NEU</p> <ul style="list-style-type: none"> <li>- Cynllun busnes y cytunwyd arno neu gofnodion ffurfiol yn dangos tystiolaeth o gefnogaeth gan unrhyw un o'r rhanddeiliaid a restrir uchod</li> </ul>
--	--

<p><b>Cymwysterau ar fframwaith prentisiaeth yng Nghymru</b></p>	<p>Naill ai:</p> <ul style="list-style-type: none"> <li>- Tystiolaeth o gefnogaeth gan gyflogwr mawr/corff sgiliau'r sector sy'n gweithredu yng Nghymru</li> </ul> <p><u>NEU</u></p> <ul style="list-style-type: none"> <li>-Dystiolaeth o ymgysylltu â rhanddeiliaid, gan gynnwys Llywodraeth Cymru, sy'n nodi bod angen y cymhwyster hwn o fewn fframwaith prentisiaeth yng Nghymru.</li> </ul>
--	---

<p><b>Cymwysterau a bydd yn cael eu defnyddio mewn fframwaith prentisiaeth newydd yng Nghymru</b></p>	<p>Naill ai:</p> <ul style="list-style-type: none"> <li>- Cynllun busnes y cytunwyd arno neu gofnodion ffurfiol yn dangos tystiolaeth y bydd y cymhwyster yn cael ei defnyddio mewn fframwaith prentisiaeth yng Nghymru.</li> </ul> <p>NEU</p> <ul style="list-style-type: none"> <li>- Cytundeb mewn egwyddor o'r Awdurdod Cyhoeddi perthnasol</li> <li>-</li> </ul>
---	---

## **Atodiad b – datganiad gwrthdaro buddiannau ar gyfer cyrff dyfarnu sydd hefyd yn gyrff proffesiynol sy'n cynnig cefnogaeth ar gyfer y cymhwyster**

Os bydd corff dyfarnu yn cyflwyno cefnogaeth gan y gangen corff proffesiynol o'r un sefydliad, rhaid cwblhau a chyflwyno'r datganiad canlynol, y mae'n rhaid i uwch aelod perthnasol o staff ei lofnodi.

*'Cadarnhaf fod xxx yn gorff proffesiynol ac yn gorff dyfarnu cydnabyddedig. Mae gennym bolisi gwrthdaro buddiannau ac rydym yn cymryd gofal i gynnal rhaniadau rhwng unrhyw weithgarwch corff dyfarnu a'n gweithgarwch corff proffesiynol.*

*Llofnodwyd*

*Dyddiedig*